

DEO OPTIMO MAXIMO UNI ET TRINO, VIRGINI DEIPARÆ.  
ET SANCTO LUCÆ ORTHODOXORUM MEDICORUM PATRONO.

QUÆSTIO MEDICA,  
CARDINALITIIS DISPUTATIONIBUS MANE DISCUTIENDA  
IN SCHOLIS MEDICORUM, DIE JOVIS XXIX. FEBRUARII MDCCXX.

M. PETRO AZÉVEDO, DOCTORE MEDICO, PRÆSIDE.

*An consuetudo insuetis tutiora ?*

**H**OMO animâ & corpore constans animal, cunctis animantibus longè præstantius; an in vitâ felicius? dubium. Eâ animæ facultate, quâ cæteris antecellit, fit sæpe miserior. Errat enim ratio non rarò, turbidos ciet motus, sæpe vitiositatem importat, *καταρ*, inimicam vitæ tranquillæ. Ut enim in lucem editus est, quas nunquam expertus fuerat, rebus indiget ad vivendum. Aëre, quem continuò haurit, nunquam vivens carere potest: cibo & potu alendo corpori necessariis, aliquandiu. Multa huic excernenda, quæ retenta nocent; multa retinenda, noctura, si præter naturam excernantur. Mortis, quietis, somni & vigilæ vicissitudinibus vita subiecta. Hæc corporis sunt; animæ verò variae perturbationes, quibus corpus auscultari, servitutis authoramentum, motibus corporis mentem subijci, ditionis servitus est. Illarum rerum usus indifferens est, modò infalubris, modò salubris: tutior tamen, quem longa consuetudo confirmavit.

**Q**UI bene valet, & suæ spontis est, nullis se legibus obligare debet. Prosperè enim vivit, qui solutus vivit. Quocunque cibo uti, ad omnem exercitationem expeditum esse, hominis certè est undequeque felicitis. Huic vario & saluari vivendi generi sensim corpus assuescit, eò magis sanum, quò minus scrupulose vitæ additum. Temperantia tamen in omnibus est servanda, cujus transgressione etiam utilissima, noxia redduntur. Sed non omnibus eadem mens, eadem fortis clementia. Sunt qui causariam à naturâ vitam fortiti, severa medicinæ decreta animo reluctante servare tenentur. Non his licet variis eduliis vesci; non alio aëre vivere, non à consuetâ somni horâ, neque ab uno exercitii modulo transversum unguem discedere. Hos quidem viventes mortuos, non mortales viventes diceres. Alii lymphatico metu melancholici, unam sibi vivendi normam præscripserunt. Alios traxit ad anxii laboris curas, ad durum & constitutum victus genus, sobria paupertas; in quibus omnibus adscititius habitus sit, qui consuetudo vocatur, cujus vim atque indicationes, hi soli nōrunt, qui nolunt in multis, qui ad Medicinam spectant, claudicare.

**C**ONSUETUDO quidem vim naturæ obtinet, imò altera natura est. Illa facultatum omnium innatum principium, quod obscurè nōscitur, non aptè definitur. Acquisita verò natura in repetitio rerum, quæ nos afficiunt, usu versatur. Sic illæ res, quas non naturales vulgò vocant, naturales & quasi ingenitæ usui sunt. Alimentorum qualitates labore chymico scrutari, hominis certè est abutentis & otio & tempore. Sola experientia, cum omnium rerum medicarum, tum virium alimentorum docta magistra. Neque ad rem pertinet, quibus partibus unumquodque constet, sed quod optimè digeratur; sive hæc de causâ concoctio intercedat, sive de illâ; & sive concoctio sit, aut digestio, aut pura trituratione. Non tamen huiusmodi questionēs à Medicinâ expungendæ, quæ etsi Medicos non faciunt, isdem sæpe exculcum ingenium ad majora veniet paratis. Cave tamen credas, omne Medici studium in his esse ponendum. Ut enim non naturalium rerum usum bene utiliterque præscribas, seriò tibi considerandæ ægrotorum ætates, *ἰστορικῶς* *συμπτωτῶν*, uniuscujusque consuetudines.

**U**T quod in naturâ, sic & quod in consuetudine secundâ naturâ fundatur, saluberrimum est. Salubre dices, quicquid corporis functiones in optimo conservat statu. Functiones persistant integræ facili expeditaque solidarum & fluidarum partium motione. Fibrarum corporis in hunc vel illum motum pluries repetitum, prona facultas. Dociles fiunt & obsequentes; simili exercitæ modo. Sicut canentis simulque chordas pulsantis peritæ citharædi manus non cogitatò moventur; ita muscoli, ac fibræ functionibus inservientes absque ullo labore consue-  
tos exercent motus. Hinc senes ac imbelles facilius labores perferunt, quàm juvenes ac robusti, laboribus non assueti. Stomachi fibræ uno eodemque cibo semper attackæ; eodem modo miscabunt; chylus uniusmodi erit, sanguis semper sui similis, atque idem stillabit fermentum, si quod fuerit in glandulis. Sanus vivis Bæcorum in Patriâ & sub aëre crasso? tenuiorem puriorē remque quid quæris? Ipsa mutatio consuetudinis, etiam quæ utilitate adjuvat, novitate tamen perturbat.

**O**MNE insolens sanitati infernum. Sunt, qui secundâ afflati fortunâ miserè ægrescunt, vitæ genere mutato. Qui ambulando victum quæritabant, jam in vehiculo aut in spectaculis toto die sedentes, arthritide, rheumatismo, vel nephritide, insolentis otii penas luunt. Si verò propter quasdam necessitates consuetudinis ordo mutandus sit, non subito demutandus. Ergo cum quis mutare aliquid volet, paulatim debet assuescere. Id quidem non solum in sanis observandum est, sed etiam in ægrotantibus; in quibus affatim atque repente à Medico mutationes fieri, nimis periculosum. Est enim his tanto magis quedam moderatio necessaria, quanto magis noxia ipsis jam offensis nimia immutatio est. Tanta enim est consuetudinis vis atque facultas, ut consuetus labor, quamvis durior, reficiat, quem novum genus cuiusdam laboris premit. Sic fatigato quotidianum cubile tutissimum est; insolitum contra lassat, licet mollius præter consuetudinem fuerit. Alimentorum pravitate non solum vincit consuetudo, sed malignitatem venenorum & perniciem superat. Sic quosdam vidimus magnam opii quantitatem absque noxâ devorasse. Puellam legimus Napello sensim assuesctam, eo tandem nutritam & bene habentem.

*Ergo consuetudo insuetis tutiora.*



Proponēbat Patris JACOBUS TRANT, Ardertensis Hibernus, Baccalaureus Medicus, A. R. S. H. 1720.